

皇朝文獻通考 卷八
三
爲靈壁之五湖從前楊疇土山陵子崔家孟山五湖原各爲一湖今則連而爲一其地最窪卽多開溝渠亦屬無益不若捐之於水以爲潴蓄之道其水沈地糧題請豁除至虹縣之板橋各小河口則濰河之入五湖者至此復露河形分爲二支一由謝家溝經古沐河一由烏鴉嶺經歸仁閘下安河俱入於洪澤湖此兩支亦宜開浚以免阻礙其他支河之在宿州者有彭家溝濳河栢山河在靈壁者有斗溝拖尾河沱河在虹縣者有荀家溝岳家

河皆須挑濬以暢分流之勢虹縣又有潼河年久淤塞宜改從潘家山南達於董家溝較爲徑捷此三州縣應修之水道也惟是下游之下復有下游洪澤一湖以清口爲去路前蒙

聖明指示河臣將草壩拆卸以暢其流若每歲皆應期開放俾上游之水隨來隨去則來者雖多而去者能速不致壅閼於一時矣巡撫高晉又請浚治潁州府屬之兩河口急三道河茨河明河淝河武家河宋湯河鳳陽府屬之栢家河裔溝河黑濠河濕